

Headlines

- 1 केंद्री गृह मंत्री अमित शाह होरें जम्मू-कश्मीर दे सुरक्षा हालात ते अमरनाथें दी जात्तरा गितै त्यारिएं दा जायजा लैने लेई उच्चि सतह दिएं बैठकें दी अध्यक्षता कीती।
- 2 अमरनाथ दी जात्तरा दे दौनें रस्तें लेई हेलीकाप्टर लेई ऑनलाइन बुकिंग शुरू।
- 3 प्रधानमंत्री नरेंद्र मोदी अतरूं 18 जून गी प्रधानमंत्री किसान सम्मान निधि योजना तैहत 20 ज्हार करोड़ रपे 9 करोड़ कोला मते करसानें दे खातें च पाडन।
- 4 रियासी च आतंकी हमले कोला बेखौफ ज्हारां बद्दे श्रद्धालु हर रोज श्री माता वैष्णो देवी ते शिवखोड़ी दी जात्तरा गितै आवा करदे न।

<><><><><><>

Shah-J&K Meeting

केंद्री मंत्री अमित शाह होरें नमीं दिल्ली च औंदी अमरनाथ जी दी जात्तरा लेई तैयारियें दा जायजा लैने गितै इक उच्चि सतह दी बैठका दी अध्यक्षता कीती। राष्ट्रीय सुरक्षा सलाहकार अजीत डोभाल, जम्मू-कश्मीर दे उपराज्यपाल मनोज सिन्हा, केंद्री गृह सचिव अजय भल्ला, खूफिया ब्यूरो दे निदेशक ते वरिष्ठ फौजी अफसर जिंदे च फौज प्रमुख जनरल मनोज पांडे ते चीफ ऑफ आर्मी स्टॉफ (डेजीग्रेट) जनरल उपेंद्र द्विवेदी, केंद्री हथियारबंद पुलस बल दे महानिदेशक, मुख् सचिव, जम्मू-कश्मीर दे डीजीपी ते होरनें वरिष्ठ ऐहलका बैठका च मौजूद हे। सालाना अमरनाथ जात्तरा इस म्हीने दी 29 तरीक गी शुरू होग ते 19 अगस्त तोड़ी चलोग।

<><><><><><>

Amarnath Ji Yatra

श्री अमरनाथ श्राइन बोर्ड नै औंदी अमरनाथ जात्तरा लेई बैलेट ते पहलगाम आहले जात्तरा दे रस्ते लेई ऑनलाइन हेलीकाप्टर टिकेट बुक कराने आहली सेवा शुरू होने कन्नै गै श्रद्धालुएं दा इस ताई इंतजार खत्म होई गेआ। इस बरे एह जात्तरा इस म्हीने दी 29 तरीख गी शुरू होग ते रक्खड़ पुण्येया दे मौके 19 अगस्त गी सम्पन्न होई जाग। आधिकारिक जानकारी मताबक बैलेट रस्ते लेई हेलीकाप्टर सेवा नीलग्रंथ थमां पंजतरनी ते फ्ही वापस इत्थुआं नीलग्रंथ तोड़ी ते इयां गै पहलगाम थमां पंजतरनी ते फ्ही पंजतरणी थमां पैहलगाम तोड़ी हेलीकाप्टर सेवा दित्ती जाग। तोआई आधिकारिक सूत्रं आखेआ जे हेलीकाप्टर दी ऑनलाइन बुकिंग सेवा jksasb.nic.in उप्पर जाइये उपलब्ध होग। एहदे अलावा ऑफलाइन टिकेट या प्राथमिकता उपलब्ध नैई होग, मगरा बुकिंग पैहले आओ पैहले पाओ दे आधार उप्पर होग ते सेवा श्रद्धालुएं गी सिद्धे दित्ती जाग। पहलगाम थमां पंजतरनी तोड़ी इक तरफा किराया 4900 रपे, दो तरफा 9800 रपे, इयां गै नीलग्रंथ थमां पंजतरनी तोड़ी दा किराया 3250 रपे ते दो तरफा दा किराया 6500 रपे तैय कीता गेआ ऐ। हेलीकाप्टर सेवा बुक करांदे बेल्ले श्रद्धालुएं कोल जात्तरा पर जाने लेई सेहत सरबंधी प्रमाण पत्र होना लोडचदा। यात्रु कौल अपनी असली फोटो शनाख्ती कार्ड ते सेहत प्रमाण पत्र होना लोडचदा ऐ ते कन्नै गै श्रद्धालुएं गी बुकिंग आहले समें कौलां अद्दा घंटा पैहले पुज्जना लोडचदा ऐ।

<><><><><><>

PM-Kissan Samman

ग्रामीण विकास ते राईबाई ते करसान कल्याण लेई केंद्रीय मंत्री शिवराज सिंह चौहान होरें आखेआ जे प्रधानमंत्री किसान सम्मान निधि योजना तैहत वाराणसी थमां मंगलवार गी 9 करोड़ 3 लक्ख करसानें दे बैंक खातें च प्रधानमंत्री नरेंद्र मोदी होर कोई 20 ज्हार करोड़ रपे मुंतकिल करडन। नमीं दिल्ली च मीडिया गी जानकारी दिंदे होई श्री चौहान होरें आखेआ जे पिछले 10 बरे च अजे तोड़ी 11 करोड़ करसानें दे बैंक खातें च 3 लक्ख करोड़ रपे मुंतकिल कीते गे न। श्री चौहान होरें आखेआ जे उनें मंगलवार गी प्रधानमंत्री हुंदे इस कार्यक्रम च शामिल होने गितै सब्बै मुख्मंत्रियें गी चिट्ठी लिखी दी ऐ। उनें आखेआ जे ग्रामीण विकास ते राईबाई ते करसान कल्याण मंत्री दा कम्मकार सांभने दे बाद उनें मंत्रालय दे अधिकारिएं कन्नै चर्चा कीती ते करसानें दे कल्याण कन्नै सरबंधित हर अहम मुद्दे उप्पर कम्म कीता जा रदा ऐ। श्री चौहान होरें आखेआ जे नमीं सरकार दे 100 दिनें दी

योजना तैहत मंत्रालय लेई कन्नै सरबन्धी योजना दा जायजा लैता। मंत्री होरें आखेआ जे उनेंगी हर मुद्दे गी संजीदगी कन्नै लैने दी जरूरत ऐ ते योजना दे नियम कायदे गी अगर बदलने दी जरूरत होग, ओहदे बाद तरमीम कीती दी योजना गी लागू कीता जाग।

<><><><><><>

Sect. Horticulture

बागवाणी सचिव सुश्री विवेक शर्मा होरें बागवानी निदेशक चमन लाल शर्मा हुंदे नै चकरोई मेघा फ्रूट प्लांट नर्सरी दा दौरा लाया। उनें नर्सरी दे बक्ख-बक्ख हिस्सें दा दौरा लाया। बागवाणी निदेशक होरें सचिव होरें गी जानकारी दिती जे नर्सिंग 40 एकड़ जिमी च फैली दी ऐ ते नमीं सुविधाएं कन्नै लैस ऐ। आकाशवाणी कन्नै गल्ल करदे होई उनें आखेआ।

<><><><><><>

Vice-President

उपराश्ट्रपति ते राज्यसभा अध्यक्ष जगदीप धनखड़ होर अज्ज संसद भवन च नमें बने दे प्रेरणास्थल दा उद्घाटन करडन। इस मौके लोकसभा स्पीकर आम बिरला, राज्यसभा दे उपाध्यक्ष हरिवंश नारायण सिंह ते पार्लियामानी मालमले दे मंत्री किरें रिजिजू होर बी उत्थे मजूद होडन। कार्यक्रम च राज्यसभा ते लोकसभा दे सब्बनें मेंबरें गी साद्दा दिता गेदा ऐ। प्रेरणास्थल गी इस चाल्ली बनाया गेआ ऐ जे उत्थे औने आहिलियें हस्तियें ते होरनें गी संसद भवन परिसर अंदर इक्के थाह महान स्वतंत्रता सेनानियें ते नेताएं दिएं मूर्तियें गी श्रद्धांजलि देने बेल्ले उंदी सुविधा बी यकीनी बनाई जाई सकै। नमीं टेक्नोलॉजी राएं इनें महान हस्तियें दी जीवनी ते संदेश गी उत्थे औने आहले तोड़ी उपलब्ध कराया जा तां जे ओहू इस राएं प्रेरित होई सकन।

<><><><><><>

Banihal-Eid

ईद उल अदाहू जिसी बकरदीद बी आखेआ जंदा ऐ दे मौके लोक ईद दे इक दिन पैहले यानि अरफा दे मौके बजारें च खरीददारी च रूज्जे दे ना। प्रशासन रामबन दे बनिहाल इलाके च बजारें च उत्पादे दे म्यार ते कीमतें उप्पर नेडमीं तक्क रक्खा रदे ना। लोकें गी बनिहाल दे खुल्ल बजार च मठेयाइयां, बेकरी, पेय-पदार्थ, सुक्के मेवे, मटन ते होरनें चीजें दी खरीददारी करदे दिक्खेआ जा रदा ऐ। बनिहाल दे एसडीएम रिजवान असगर होरें आखेआ जे मुतल्लका विभागें जियां जे बपार मंडल ते मसीतें दे इमामें कन्ने बैठकां कीतियां ते ईद दी खुशियें गी सुचारू ढंग्गै नै मनाने गितै यकीनी बनाने ताई चर्चा कीती गेई।

<><><><><><>

Shiv Khori Reasi

9 जून गी होए दे आतंकवादी हमले दे बावजूद श्रद्धालु शिवखोड़ी ते वैष्णो देवी जी दी जात्तरा रमानदारी आहले ढंग्गै कन्नै जारी ऐ। ऐतवार श्रद्धालुएं रियासी च रूके ते राफिंग दा मजा लेंदे दिक्खे गए कन्नै गै भारत माता की जय ते भारती सेना जिंदगाबाद दे नारे ला'रदे हे। आकाशवाणी कन्नै गल्ल करदे होई इक श्रद्धालु नै आखेआ।

<><><><><><>

PM-MKB

प्रधानमंत्री नरेंद्र मोदी होर इसा म्हीने दी 30 तरीक गी आकाशवाणी पर अपने "मन की बात" कार्यक्रम राएं मुख् भरै च ते बाहरले मुख् च रौहने आली श्रोताएं कन्नै अपने विचार सांझे करडन। एहू इस कार्यक्रम दी 11मीं किशत होग। त्री बारी प्रधानमंत्री बनने दे बाद मोदी हुंदा एहू पैहला "मन की बात" कार्यक्रम होग। लोक इस कार्यक्रम लेई अपने सुझाव ते विचार टोल फ्री नंबर 1800-11-7800 पर भेजी सकदे ना। एहदे अलावा ओहू माई गोव ओपन फोरम पर नमो ऐप पर बी अपने विचार ते संदेश भेजी सकदे ना। लोकें दे विचार ते संदेश 28 जून तगर स्वीकार कीते जाडन। मन की बात दा प्रसारण आकाशवाणी ते दूरदर्शन दे समूलचे नेटवर्क, आकाशवाणी दी वेबसाइट ए.आई.आर न्यूज ते न्यूज ऑन ए.आई.आर मोबाइल ऐप पर बी कीता जाग। एहदे अलावा ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी उपलब्ध होग। आकाशवाणी जम्मू पर एहदा डोगरी अनुवाद एहदे तुरत बाद प्रसारित कीता जाग।

<><><><><><>

Sidhgoria Mela

उत्तर भारत दे सब्बनें शा बड्डे मेलें चा इक्क बाबा सिद्ध गोरिया नाथ जी हुंदा मेला अज्ज साम्बा जिले च उन्दे देव स्थान सिद्ध स्वांखा च शुरू होई गोआ। 7 दिनें तोड़ी चलने आले इस मेले च ना शडा जम्मू-कश्मीर दे बक्ख-बक्ख हिस्सें, सगुआं होरनें राज्यें थमां बी बड़ी बद्द गिनतरी च लोक औंदे ना। मेले च आए दे श्रद्धालुएं आकाशवाणी कन्नै गल्ल करदे होई आखेआ। स्हाडे जिला संवाददाता सतपाल शर्मा नै जानकारी दिती ऐ जे अज्ज गै जिले दे बीरपुर इलाके च दाते दे ता थार दाता रणपत देव हुंदा देव स्थान पर अद्द वार्षिक मेल लग्गी जेदे च ज्हारें दी गिनतरी च लोक शामिल होए। चाढक ते सडोत्रा बिरादरी दे लोकें च इस अस्थान गी लेइए गैहरी श्रद्धा ऐ ते ओहू चेचे तौरा पर इत्थे मत्था टेकने लेई जरूर औंदे ना।

<><><><><><>

Shaheed Diwas

श्री गुरु अर्जन देव जी हुंदा शहीदी दिवस दे सिलसिले च कठुआ जिले च गुरुद्वारा सिंह सभा च इक विशेष कार्यक्रम दा सरिस्ता कीता गोआ। इस मौके रागी जत्थे आस्सेआ गुरुबाणी पेश कीती गेई। जिला गुरुरा प्रबंधक कमेटी दे प्रधान चरणजीत सिंह होरें इस मौके बोलदे होई आखेआ।

<><><><><><>

Ladakh Vijay Divas

कारगिल विजय दिवस दी 25मीं बरे गंड दे सिलसिले च भारती फौज आस्सेआ इक लौहकी मैराथन द्रौड दा सरिस्ता कीता गोआ जेदे च करगिल दे विद्यार्थिं मते जोश ते जज्बे कन्नै हिस्सा लैता। बडुलै 6 बजे कोला लेइए 11 बजे तोड़ी चले दे इस आयोजन च 15 कोला लेइए 18एं बरें तोड़ील दी उम्मी दे कोई सवा त्रै सौ बच्चें हिस्सा लैता जिंदे च जागतें दे इलावा खर मती गिनतरी च कुड़ियां बी शामिल हियां। ख्री सुल्तान चू खेडू स्टेडियम थमां शुरू होइए एहू द्रौड सुम्बाथांग सिडकै तगर ते फही परतिए ख्री स्टेडियम च आइए मुक्की। फौज दी 121 इंफैंट्री ब्रिगेड दे कमांडर, ब्रिगेडियर प्रथीट पराशन इस मौके मुख परोहने हे जिसले जे करगिल दे डिप्टी कमिशनर श्रीकांत सुसे होरें मानजोग परोहने दे तौरा पर शिरकत कीती।

<><><><><><>